

Naslov: EBRD zajam od 15 miliona eura Intesa Sanpaolo Banci za programe Go Green i Go Digital

Sarajevo 14. juni/lipanj 2024. godine. Evropska banka za obnovu i razvoj (EBRD) i Intesa Sanpaolo Banka, nastavljaju svoju uspješnu dugogodišnju saradnju, a ove godine potpisom novog ugovora u iznosu od 15 miliona eura ovo partnerstvo nastavlja nizati uspješne priče.

Naime od sada će sve male i srednje kompanije s područja BiH, ukoliko ispunjavaju uslove, moći aplicirati za novu kreditnu liniju Go Green, a na oduševljenje mnogih nastavljena je i kreditna linija Go Digital koju je Intesa Sanpaolo Banka započela 2022.

„Intesa Sanpaolo Banka i EBRD u BiH realizirali su već nekoliko uspješnih projekata, i moram priznati da sam zahvalan na odličnoj saradnji. Posebno mi je zadovoljstvo što kroz partnerstvo EBRD-a i Intesa Sanpaolo Banke potpomažemo mnogobrojne bh. kompanije, pokretače cjelokupnog društva, u transformaciji njihovog poslovanja kada su u pitanju ekološki i digitalni aspekti, ali i smanjenje troškova koji nastaju prilikom proizvodnje“, izjavio je **Marco Trevisan**, predsjednik Uprave Intesa Sanpaolo Banke“.

Evropska banka za obnovu i razvoj obezbijedila je zajam za Intesa Sanpaolo Banku od 7 miliona eura u okviru programa SME Go Green i 8 miliona eura u okviru programa Go Digital u Bosni i Hercegovini. Ova sredstva podržana su poticajnim plaćanjima i tehničkom pomoći, koje finansira Evropska unija.

Zajam SME **Go Green** od 7 miliona eura koristit će se za poticanje ulaganja u zelene tehnologije, uključujući projekte energetske efikasne i obnovljive energije. Program će poboljšati konkurentnost malih i srednjih preduzeća i trgovinu, kroz promociju održivih praksi i međunarodno priznatih standarda kvalitete. Trećina iznosa iskoristit će se kako bi se lanci opskrbe agrobiznisa učinili održivijima i smanjio njihov utjecaj na okoliš. Drugi ključni cilj je osigurati ravnopravni pristup za mala i srednja poduzeća u regiji koja vode žene, a koja se bore protiv klimatskih promjena. Banka će nastojati isporučiti najmanje 70% sredstava prihvatljivim projektima tranzicije zelene ekonomije (GET).

Go Digital u BiH od 8 miliona eura će biti iskorišteno za pomoć malim i srednjim poduzećima da ispune standarde EU u području zaštite okoliša, zaštite zdravlja i sigurnosti na radu te kvalitete i sigurnosti proizvoda povećanjem razine automatizacije i digitalizacije koja se koristi u operativnim procesima. Banka će nastojati isporučiti najmanje 60% sredstava projektima koji ispunjavaju uslove GET-a. Program direktno doprinosi Digitalnoj agendi Evropske komisije za zapadni Balkan, čiji je cilj podržati tranziciju privatnog sektora i pomoći preduzećima da u potpunosti osiguraju prednosti digitalne transformacije gospodarstva. Ovo je druga linija za Intesa Sanpaolo Banku u



okviru programa Go Digital in BiH, nakon uspješnog iskorištenja kredita od 8 miliona eura potpisanog u decembru 2022.

Putem ovih programa, Banka ima za cilj poticati inovacije, održivost i rast među malim i srednjim preduzećima u Bosni i Hercegovini.

EBRD je uložila više od 3 milijarde eura u 223 projekta u Bosni i Hercegovini otkako počela svoje aktivnosti 1996. godine. Strateški prioriteti Banke u zemlji su promoviranje zelene ekonomije, podrška konkurentnom razvoju privatnog sektora i poticanje regionalnih integracija.

KRAJ

Kontakt za medije:

Intesa Sanpaolo Banka BiH

Kenan Alihodžić, glavni referent u Direkciji za PR i marketing komunikacije

Intesa Sanpaolo Banka d.d. BiH

kenan.alihodzic@intesasanpaolobanka.ba + 387 33 497 665